



Synfocity = 851

mail us at : mzsynfo@gmail.com; mizoramsynod@gmail.com - Phone - 2314648

July 28, 2022

❑ **MSSU Trainers Training**

July 22, 2022 (Zirtawpni) khan Mizo Sunday School Union (MSSU) buatsaihin MSSU Trainers Training chu Synod Conference Centre, Mission Veng-ah neih a ni a. Rev. V.L Luaia Hranleh, Executive Secretary i/c MSSU-in hunserh a hmang a, he hunah hian MSSU Senior Trainer ten thupui chi hrang hrang Sunday School chanchin, Sunday School pawimawhna leh zirtirtu nihna leh mawhphurhna, Psychology (Pre-Beginner to Junior) Zirtir dan leh Rualbanlo (Vohbik) enkawl dan, Psychology (Intermediate to Puitling) zirtir dan leh Sunday School tha buatsaih dan tih te hmanging zirtirna an pe a, tlai lamah Synod Moderator Rev. Dr. Vanlalnghaka Ralte-in training kharna hun a hmang.

Mizo Sunday School Union (MSSU), Training Cell committee-in kum 2020-a a lo rel tawh Trainers Training neih nise tia alo rel chu hri leng avanga neih mai theih a nih tak loh avangin July 22, 2022 (Zirtawpni) khan khawpui chhung bial tin atangin bial aiawh mi pakhat theuh sawmin Sunday School zirtirtu training pe chhawng thei tura inzirtirna training neih a ni. Trainers Training hi kum 2006 leh 2012 khan riakluta neih a ni a, kumin hian hri leng avangin ni khat training neih a ni.

❑ **Lay Leaders Residential Training vawi 215-na**

Synod Multipurpose Training Centre buatsaih Lay Leaders' Residential Training vawi 215-na kharna leh Graduation Programme chu July 22, 2022 (Zirtawpni) khan SMTC Hall-ah neih a ni.

Training kharna inkhawm (Graduation Programme) hi Rev. Lalrinthara, Programme Director-in a kaihruai a, Rev. V.L. Luaia Hranleh, Executive Secretary i/c SMTC chuan kharna thuchah sawiin trainee-te hnenah Certificate a hlan. Trainee-te tana tawngtaisakna hi Resource person aiawhin Rev. Vanlalzuata'n a hmang a, trainees aiawhin Upa Rosiamliana, Thingsulthliah-in lawmthu a sawi a, SMTC aiawhin Rev. T.C. Laltlanzova'n lawmthu a sawi bawk. Nl. Cindy Lalthanpuii, Tlangnuam-in fakna hla 2 sain hun a hmang bawk.

Tun tumah hian Presbytery 8 - Ramlai, Tuivawl, Lunglei East, Lunglei West, Tuichangral South, Tuirini, Sakawrhmutuai leh Chhimchhak Presbytery atangin Kohhran Upa 27 an tel thei a ni. Training-ah hian Resource person atan Rev. Vanlalzuata, Rev. C. Chawngliana, Rev. T.C. Laltlanzova, leh Rev. F. Lalrinnunga te hman an ni a, Synod Office Finance Manager Upa Lalsawmliana'n Sum Vawn Dan chungchang a zirpui bawk.

Synod Multipurpose Training Centre hi kum 1996-a hawn a ni a, a hawn kum atangin Lay Leaders' Training - Kohhran Upate puala training hi neih chhoh tan nghal a ni a, tun thleng hian training hi vawi 215 neih tawh niin Kohhran Upa training nei tawh zawng zawng hi mi 7008 an ni.

SMTC-ah hian kum tluanin training programme chi hnih - Ministerial leh Vocational training kalpui a ni a. Kohhran tihnghehna leh tihhmasawn zelna tur Synod hnuai Department hrang hrangin Training a buatsaih thinte hi SMTC-ah hian a remchan dan angin neih thin a ni. Vocational training hnuai hian trade chi hrang hrang - Tailoring, Diploma in Computer Application (DCA), Mobile Repairing, Beauty Culture te kalpui mek a ni a, August 2022 atang hian trade 2 - Welding & Fabrication leh Electric Wiring & Repairing hawn thar tur a ni bawk.

❑ **Synod Mission Board leh ram pawn chet velna**

◆ **Karbi Anglong Mission Field**

July 20, 2022 (Nilaini) khan ringthar 5 Lal Isua zui turin an inpe.

◆ **Arunachal & Assam Mission Field (East)**

July 24, 2022 (Pathianni) khan ringthar 2 Lal Isua zui turin an inpe.

◆ **Jharkhand Mission Field**

July 24, 2022 (Pathianni) khan ringthar 6 Lal Isua zui turin an inpe a, Roman Catholic atangin puitling 1 kan Kohhranah a inpe bawk.

◆ **Siliguri Mission Field**

July 24, 2022 (Pathianni) khan ringthar 8 Lal Isua zui turin an inpe.

◆ **Nepal Mission Field**

July 24, 2022 (Pathianni) khan ringthar 7 Lal Isua zui turin an inpe.

◆ **Assam Mission Field**

July 24, 2022 (Pathianni) khan ringthar 6 Lal Isua zui turin an inpe a, July 25, 2022 (Thawhtanni) khan ringthar 1 Lal Isua zui turin a inpe bawk.

◆ **Odisha Mission Field**

July 24, 2022 (Pathianni) khan ringthar 8 Lal Isua zui turin an inpe.

◆ **Masihi Sangati**

July 25, 2022 (Thawhtanni) khan Venghnuai Bial Masihi Sangati rawngbawlnaah ringthar 21 Lal Isua zui turin an inpe.

◆ **Synod Mission Hnuai HSLC ten Result tha tak an nei**

Synod Mission Board hnuai HSLC Exam Result, 2022 tihchhuah niin result tha tak an nei. Synod Mission Board hnuai HSLC nei chin School 18 an awm a, chung zing atang chuan zir lai 625 in Exam an bei a, First Division with Distinction-ah 33, First Division with Star-ah 44, First Division-ah 224, Second Division-ah 230, Third Division-ah 51 in an pass a, pass percentage hi 98.07% a ni. School 5 in Fail nei lovin 100% an pass a ni. First Division with Star hi Assam Board leh CBSE chauhvinn an siam.

Tun dinhmunnah Field hrang hranga HSLC neih dan hetiangin, Home Mission North-ah School 2, Home Mission South-ah School 2, Barak Area-ah School 4, Karbi Anglong-ah School 3, Arunachal West-ah School 2, Assam -ah School 1, Arunachal East-ah School 2 leh Tripura-ah School 2.

◆ **Zin**

Synod Mission Board Secretary Rev. R. Lalmingsanga chu July 29 - 31, 2022 chung hian Guwahati-ah Kohhran tlawhin Synod Moderator Rev. Dr. Vanlalnghaka Ralte nen an kal.

□ **Residential Choir Conductors Training**

July 26 - 29, 2022 chung hian Synod Worship Committee buatsaihin Residential Choir Conductors Training vawi 26-na chu Synod Conference Centre, Mission Vengah neih a ni.

July 26 (Thawhlehi) zan khan training Pathian hnena hlanna inkhawm neih a ni a, Upa H. Lalmingmawia, Co-ordinator, Synod Worship chuan a kaihrui a. Trainee-te tana hriattur pawimawh te leh training kalphung turte a sawi a. "Synod Worship Committee-in Zaipawl Conductor Training a buatsaihin Kohhran pawl dang mi rawn tel duh an awm chuan lawm taka an lo pawm thin" thu a sawi bawk. Upa F. Lalfakzuala, Synod Worship Committee Member-in tawngtaiin Pathian hnena a hlan hnuah zirna tan nghal a ni.

Tun tum Zaipawl Conductor training-ah hian mi 74 an rawn tel thei a, Kohhran pawl dang - IKK, BCM, ICI leh Presbyterian Church of Myanmar atangin mi 5 an tel bawk.

Zaipawl Conductor Training hi July 29, 2022 (Zirtawpni) zanah kharna hun hman tur a ni a, Rev. Dr. K. Lallawmzuala, Executive Secretary i/c Worship-in a hmanpui ang. Kharna hunah hian tha taka zir chhuakte hnenah Certificate hlan an ni ang.

Synod Worship Committee chuan Zaipawl Conductor Training hi kum 1995 atang khan kum tinin a buatsaih thin a. Zaipawl Conductor Training-a zir chhuak hi mi 990 an awm tawh a, kumina trainee mi 74 nen chuan mi 1064 an tling dawn ta a ni.

□ **Synod Campus Ministry**

July 23, 2022 (Inrinni) khan Synod Campus Ministry buatsaih, "Tleirawl tha - Kohhran leh ram tan", tih thupui zirhona 'Symposium' chu Saitual Chhim veng Kohhranah hman a ni.

He hunah hian Tuivawl Presbytery huam chungah Pastor Bial - Saitual, Keifang, Sihfa, Mualpheng leh Saitual chhim veng huam chungah Pastor/Minister-te leh Kohhran aiawh mi 87 an tel a. Rev. R. Ramnghinglova, Director, Synod Campus Ministry-in a hmanpui a, Resource Person pahnih T. Upa Lalthlamuana Ralte leh T. Upa K. Lalengzama ten paper an buatsaih chu zirho a ni a. He hunah hian zaithiam NI. Melody Lalzirliani a zai bawk.

□ **FG&CC**

July 30 & 31, 2022 hian Vangtlang Kohhranah Kristian Chhengkaw Seminar leh Campaign nei turin Rev. Lalsangbera, Director leh Rev. R. Lalmingthanga, Campaigner te an kal ang.

❑ **Synod Moderator kal chhuakte Thuchah Tlangzarh**

July 28, 2022 (Ningani) khan Devotion Room, Synod Office-ah Synod Moderator kal chhuakte thuchah (Synod Moderators' Valedictory Sermon) revised & enlarged chu Synod Moderator Rev. Dr. Vanlalngkhaka Ralte chuan Pathian hnenah hlanin a tlangzarh.

Synod Literature & Publication Board (SL&PB) hian kum 1981 khan 1933-1980 inkar a mi zawng a lo ti chhuak tawh a, kum 40 hnuah 1933-2020 thleng hi lakhawmin chhuah that leh ni se, tia an rel angin tihchhuah a lo ni leh ta a ni.

He lehkhahuah hian Assembly tih a nih lai atanga Synod tih hnuah Moderator lo ni tawh mi 79 te thuchah chhiar tur a awm a, Moderator-te hian a hun lai kohhran mil zela thuchah an sawi bakah kohhran hrang hrang an tlawh chanchin atanga kohhran dinhmun thui tak hriat theihna tur lehkhahu atangkai tak leh chhiar manhla tak tur a ni. Kum 1933-2020 inkarah hian kim lo 9 (hmuh zawh tawh loh-1935, 1936, 1937, 1941, 1943, 1945, 1950, 1957, 1964) a awm. Kum 1933 hmalam a mi erawh ziaka dah a awm loh avangin hmuh mai tur a awm tawh lo a ni.

Moderator kal chhuak thuchah hi mi 63 in an sawi a, Moderator-a tang nawn mi sawm (10) an awm baw. Moderator Valedictory Sermon hi kum 1957 thleng khan Moderator inthlak dawnah rorelna hmunah an sawi thin a, kum 1958 atangin Pathianni zanah an sawi tan a ni.

Synod Moderator kal chhuakte thuchah (Synod Moderators' Valedictory Sermon) hi Rs. 350/- man tur a ni a, Synod Bookroom Headquarters leh Synod Bookroom Branch hrang hrangah lei theihin a awm ang.

❑ **SL&PB**

July 30 & 31, 2022 hian Rengtekawn Bialah Rawngbawltu Retreat leh Campaign nei turin Rev. Lalbiaknia, Editor leh Rev. R. Lalnuntluanga, ITI Veng te an kal ang.

❑ **MSSU**

♦ July 30, 2022 (Inrinni) hian Chhinga Vengthlang Kohhranah Sunday School zirtirtu training neihpui turin Pu Lalhmunzauva Tlau, Asst. Coordinator leh MSSU Trainer te Upa Hrilthansanga leh Upa F. Lalenghluna te an kal ang a, zan inkhawmah Fanau Enkawl chungchang thuchah Pu Lalhmunzauva Tlau-in a sawi ang.

♦ July 30, 2022 (Inrinni) hian Vaivakawn Kohhranah Sunday School zirtirtu training neihpuiin turin Pu HK Hmingthanzuala, Asst. Coordinator leh MSSU Trainer te Upa K. Vanlalngkhaka leh Upa B. Lalhmunliana te an kal ang a, zan inkhawmah Fanau Enkawl chungchang thuchah Upa K. Vanlalngkhaka'n a sawi ang.

❑ **Thawktu thar**

Synod Service Board chuan July 22, 2022 (Zirtawpni) khan Mizoram Christian College (MCC)-ah Contract-a thawktu turin Teaching Staff 10 leh Non-Teaching Staff 2 a la thar a, heng an hna te hi August 1, 2022 atangin an zawm ang.

Department of Mizo

Lalremruati Ngente d/o Rochungnunga Ngente - Kawrthah, Vengpui

Department of Political Science

Dr. Vanlalpari d/o Vanlalrova (L) - MissionVeng

Department of Commerce

1. Aileen Malsawmdawngi d/o K. Lalremruata - Chaltlang

2. Lalmuanpuii Varte d/o Vanlalfaka - Ramhlun North

Department of Management

1. Lalawmpuii Khiangte d/o Dr. Rothangliana - Chhinga Veng

2. Vanlalnguri Hmar d/o Lalropuia Hmar - Kulikawn

Department of English

1. Dr. Hannah Lalhlantpui d/o Dr. Vanlalhlana (L) - Ramhlun South

2. Lallawmkima s/o Zaithankima Miller - Khatla

Department of Public Administration

Dr. Jacob V.L.Awmpuia s/o Hrangluta - Zotlang

Department of Sociology

Lalhruaimawii d/o Vanlalbela - Bawngkawn, Shalom Veng

Office Assistant - Library

K. Laldinpuia s/o K. Lalthakima - ITI Veng

Laboratory Assistant

David Vanlalpeka s/o T.C. Zadenga - Ramhlun North, Biak In Mual

☐ **Synod Relief Fund**

Tun hnaia harsatna hrang hrang nei te hnenah Synod Relief Fund atangin hetiang hian chhawmdawlina pek a ni.

S.No	Khua	Pek chhan	Chhungkaw zat	Pek zat
1.	Vairengte	Damlo	3	Rs. 24,000/-
2.	New Eden	Damlo & khawsak harsa	2	Rs. 8,000/-
3.	Zohmun	Damlo	1	Rs. 8,000/-
4.	Biate	Damlo	1	Rs. 8,000/-
BELHKHAWM				Rs. 48,000/-

☐ **JULY 29, 2022 (Zirtawpni) (FM Zoawi - Aizawl & Lunglei @ 7:30 p.m.):**

Solo : Laldusaki - Ro min rek sak ang che, **Zaipawl :** Dawrpui Bial Zaipawl - Lawmna thuruk Isua, **Thusawi :** Rev. R.C Lalnghakliana - Pathian nena len dun, **Solo :** R. Lalduhawmi - Damlai tuipuih ka thlarau a vakvai, **Zaipawl :** Hnahlan Bial Zaipawl- Ram engmawi

☐ **Susamachar Prasaran Programme :**

JULY 31, 2022 (Pathianni) 5:00 pm. :

Group/Choir/Solo : Luangmual Vengthlang - Tumhara Mann Biakul Na Ho, **Group/Choir/Solo :** Sihphir Bial - Yesu Mashi, **Sermon :** Rev. David Lalramliana Ralte - He mere Prabhu, He mere Parmeshwar, **Group/Choir/Solo :** Champhai Bethel Pastor Bial - Hosenna, **Group/Choir/Solo :** Tanhril Pastor Bial - Mere Mashi

☐ **Moderator leh Executive Secretary-te Programme:**

Rev. Dr. Vanlalnghaka Ralte : Moderator

July 29 - 31, 2022 Guwahati Church Court hawn - Guwahati

Rev. C. Zoramawia : Senior Executive Secretary

Zin programme nei lovin Office-ah a awm ang.

Rev. V.L. Luaia Hranleh : Executive Secretary

Aug. 2, 2022 MSSU Sub-Committee

Aug. 4, 2022 John Williams Hospital Committee, Lunglei

Rev. Dr. K. Lallawmzuala : Executive Secretary

Aug. 1, 2022 Synod Prison Ministry committee

Aug. 2 - 6, 2022 PCI Exe. Committee, Shillong & Manipur Presbyterian Working Committee, Manipur

SYNOD BOOKROOM BOOK NEWS FOR THE MONTH OF JULY 2022

1. **Synod Thurel Lakkhawm Volume 6&7:** Rev. H. Remthanga
Vol 6 - Rs. 450/- & Vol - 7 Rs. 500/-
2. **Pathian a awm ngei e:** Romawia Rs. 200/-
3. **Kristiante leh Politics:** David Vunga Rs. 250/-
4. **Thuthlung Hlui Chanchin Tlangpui:** C. Vanlaldika Rs. 250/-
5. **Rawngbawltute Puitu Vol-I:** Rev. Dr. Za Thawng Lian Rs. 150/-
6. **Rev. Dr. R.K. Nghakliana Sulhnu:** Rs. 250/-
7. **Zari Jail Diary:** B. Vanlalzari Rs. 300/-
8. **Vanglai :** : J. Malsawma (Thanpui Pa) Rs. 400/-
9. **Sudden Plays A Hand:** P.L. Liandinga Rs. 250/-
10. **Rintei Zunleng:** Lalrammawia Ngente Rs. 450/-
11. **Mizoram GK Mini Edition 7 :** Lalhmachhuana Zofa Rs. 100/-
12. **Chantual Thuruk:** P.C. Lalrinpuia Rs. 150/-
13. **Hmanlai Hian Maw:** C. Darlianthanga Rs. 200/-
14. **Mizo History - Indo leh Inrun:** Lalhmachhuana Zofa Rs. 800/-
15. **Dimtein Aw.. :** Zozikpuii Rs. 150/-
16. **Dawn Kir Changin:** Lalbiakzama Rs. 200/-

